


類編增廣頴濱文集 五十四至六十



一五五函	三四六三	漢書類
一五册	一五三	
架	號	

三三函	三四六三	漢書類
二五册	一五三	
架	號	

内閣文庫		
番號	漢	3463
冊數		15 (6)
函號	函	3 4



原本の文字など不明瞭な個所があります。

綴じ部(喉部分)の文字など不鮮明な個所があります。



類編增廣穎濱先生大全文集卷第五十四

淺草文庫

登覽

次韻子瞻減降諸縣囚徒事畢登覽

山川足清曠，寰閩巧拘囚。安得熾阿御，同為穆滿遊。遙知因渙汗，遠出散
幽憂，南嶺繁分繡，村墟尺小侯。春深秦樹綠，野闊渭河流。四顧神蕭瑟，前
探意漲浮。勝觀殊未已，往足詎能收。下坂如浮舸，登崖劇上樓。強行腰屈
僕，困坐氣嗟吁。鳥語林亦靜，花明澗谷幽。濯溪驚野老，伐路駭危州。中散
探深去，文淵到處留。聽琴峯下寺，弄石水中洲。溪冷泉冰脚，山高霧遶頭。
石潭清照骨，瀑水濺成鈎。仙朝鳴鐘磬，神官秉鉞劉。養生聞帝女，服氣絕
彭讎。故宅猶傳尹，先師不喜丘。居人那識道，過客漫停騶。岩谷誠深絕，神
仙信有不雲居。无几杖霞珮，弃鐫鏤豹隱。連山霧龍潛，百尺湫門開。誰與
叩桃熟，浪傳偷紺髮。清无比，方瞳凜不佞。會須林下見，乞取壽年脩。技去
和雞大相隨，若旆旒乘風遺。騾鼻長嘯賤，笙篴從騎衣。皆羽前驅，長虬
安能牽兩足，暫得快雙眸。自昔辭鄉樹，南行上楚舟。方江窮地脉，三峽束
天溝。雲暗豐都曉，波吹木櫂秋。尋溪綠窈窕，入洞聽颼颼。空寺收黃葉，荒



祠畫伏彪登臨雖永日行邁肯停軻蓄縮今何事
女表那聚蜉蝣雷動車爭陌花搖樹擊鞞遊人紛蕩
曾經沒爾居願下緜空言真比夢久渴漸成愁
愛山心劫二從官興油油海宇都無礙山林尺可投
願為雲上鶴莫作盍中條適性行隨足謀生富給
候今遊雖不與後會豈無由書出同穿履宵
眠六覆裘弟兄直欲尔朋好定誰儔試寫長篇調
何人肯見酬

次韻子瞻望湖樓上五絕

欲看西湖兩岸山卧乘湖上木蘭船湖山已自隨
船改更值陰晴欲雨天眼看西湖不費來簿書
是筭撥還開三年屈指渾將尺記取從今得幾回
湖山欲買恨无錢且尺芳樽對玉盤菱角雞頭應
已厭蠮螬馬頰更勤食終日清漪弄短橈久忘
車乘走翹二秋風且食鱸魚美洛下諸生未可招
帶留朝市常嫌閑放弃江湖也未閑孤舫粗窮
千頃浪肩輿未尺百重山

洛陽試院樓上新晴五絕

縹緲危誰面面山朝來雲作雨潺二忽然風卷
歸何處百里陰晴及掌間高少猶藏薄霧中
前山迤邐夕陽紅高樓一閉二十日遙憶岩頭
種藥翁

伊闕遙臨鳳闕前龍門女几氣蒼然唐朝御路
依希在猶想東巡塵指天天壇王屋北侵河高
比高立一倍多小有清靈今尚在俗緣深重奈
成勞前朝宮闕倚芒山殿閣層層半嶺間猶恐
北來函臯淺太行東抱故孱顏

次韻子瞻登望海樓五絕

山色潮声四面來城中金碧爛成堆不愁門外
嚴局鏃終日憑欄未擬迴湖色蒼蒼二日向斜
煙波万狀不容誇益船人去浮紅葉石徑僧歸
躡白蛇樓觀爭高不計層巖二過鴈自相雁錢
王舊業依稀在歲久无人話發興荷葉初乾稻
穗香驚雷急雨送微涼晚晴稍放秋山色洗却
濃粧作淡粧白酒傾漿膾斫紅書遊未厭月明
中樓高只辨聽歌鼓不見遊人轉似蓬

李邦直見邀終日對卧南城亭二首

一徑坡陀草木間孤亭勝絕俯川原青天圍益
四山合白晝雷霆百步喧煙柳蕭條漁市遠汀
洲蒼莽白鷗翻客舟何事來忽草逆上波濤吐
復吞東來无事得遨遊奉使清閑亦自由撥弃
簿書成一飽留連語笑失千髮舊書遺卷都如
夢清簾橫眠似欲秋聞說歸期因不二望埃
還有比亭不

登上水閣

俱以云云入禁城。樓中斷過深清空。郊南數斗。
歲日送人行。老大江湖興廢感。平生益公。早晚籠新氣。意來看水面平。
送行上

徐州送江少卿

夜雨泗河深。曉日輕舟發。帆開送客遠。城轉高臺沒。居人永瞻望。歸意何
倉卒。公來初无事。曹叡多年來。鈴閣度清風。芳樽對佳客。登臨未云厭。談
笑方自適。朝廷念勳老。府寺虛清劇。何以寄風流。江山遶官宅。

北京送孫曼叔屯田權三司開圻司

人生不穎才。才士困奔走。君為大農屬。求暇更能否。自我遊魏博。相識恨
未久。誰言但傾蓋。信有勝白首。清晨坐風觀。落日語涼牖。其精動如律。弓
健不論斗。旁觀我不能。暗語君見受。秋風起沙漠。淒雨濕征袖。送行欲汲
汲。富貴恐君後。將去聊遲二。已遠悲朋友。

送余京同年兄通判嵐州

矯矯吳越士。遠為并代行。寒暄雖云異。慷慨對平生。我昔在濟南。君時重
淄青。連年食羊炙。便欲忘尊羹。問君并鄉國。何似弊屣輕。丈夫事所志。歸

去无田耕。閑官少愧恥。教子終餘齡。定心養浩氣。閉目收元精。此志我亦
然。偶与長者并。會合不可期。未易夸者評。

送排保甲陳祐甫

我生本西南。為學慕齊魯。從事東諸侯。結綬濟南府。誰言到官舍。旱氣
烈。衣后土。飢饉費困倉。剽奪勢。擗鼓緇焉。禮義邦。憂作流亡聚。君來正此時。
王事最勤苦。驅馳黃塵中。勸說野田父。穰二百万家。一一連什伍。政令當
及期。田間貴安堵。端乘忽。言西勗勞共誰語。

送王璋長官赴直定孫知甫辟書

昔年旅南服。始識王荆州。威動千里肅。恩寬行客留。從容見少子。風采傾
凡儔。温然吐詞氣。已資清且脩。不見十五年。相逢話百憂。青衫走塵土。白
髮各滿頭。新奔東海邑。願從北諸侯。北鄙事方夥。飢饉連戈矛。盟好未可
輕。會當事懷柔。主將令老成。勉及良計籌。

送楊孟容朝奉西歸

三十去家四十初。南迁五十復還朝。自愛正紛然。人從西來鞍馬何
得一笑。語我猶生全別離。多憂患。悲音。永日。綠生。台。耕。小。相。

有麻淡久麻淡入空槐鄉黨賢老兄富以行公德齊言幸此民事
清六賦重壘偏父老携壺漿稚子迎道邊應有故相識問我何當旋君恩
閔衰病歸駕行將鞭

送家定國朝奉西歸

我懷同門友勢如曉天星老去髮垂素隱居山更青退翁聯科第俯仰三
十齡仕官守鄉國出入奉家庭鵠鷺性本靜芷蘭深自馨新詩得高趣衆
耳昏未聽笑我老憂患奔走如流萍冠裳強包裹齒髮坐彫零晚春首歸
路朱轡昭長亭縣令迎使君綵服導輜軒長嘆或垂涕平反知有令此樂
我已亡雖達終不寧

送王鞏之徐州

遨遊公卿間結交非不足高秋遠行邁黃泥沒馬腹問君胡為尔笑指籬
間菊故人彭城守久作中朝丞詩書自娛戲樽俎當誰屬相望鶴頸引欲
往龜頭縮前期失不遂浪語頻遭督黃樓適已就白酒行已熟登高暢遠
情戲馬有前躡篇章雜笑語行草爛盈幅歸來貯篋笥把玩比金玉吾兄
別我久憂患欲誰告孤高多風霆彈射畏顏覆白頭日益新歲寒喜君獨

紛紛衆草中冉二凌霜竹恨我閉籠樊无由託君轂

京師送王頤殿丞

憶遊長安城皆飲母卿宅身雖坐上賓心是道路客笑言安能久車馬就
奔迫城南二山近勝絕聞自昔徘徊竟莫往拍點煩鞭策道傍古龍池深
透河渭澤山行吾不能愧此纒咫尺壯哉雖開鑿千頃如一席參差山麓
近浩蕩波光射君時在池上俗事厭紛劇望門不敢叩恐笑塵土迹自從
依京城所向愈无適君來曾未幾已復向南國扁舟出淮汴唯見江海碧
野人處城市長願有羽翮脫身相從遊未果聊自責

送交代劉辛老

建元一二間多士四方至翻三下鴻鵠一一抱經緯功名更唯諾爵祿相
遺續縱橫聖賢業磊落君臣意慷慨魯諸生雍容苦君子扶搖雲漢上睨
睨千万里入臺霜灑然不肯下詞氣失足青真中投命江湖裏區二留都
客矯二當世事空使往來人歎息更相指我生本羈孤无食強為吏寒衣
避途况十載守顛顛逝將老茅屋何辛繼前軌念君今尚然願我直當尔
百年同一夢窮達浪憂喜有酒慰離愁貧賤非君耻

向中陪子瞻同顏復長官送梁壽李士舟行歸汶上

安從南方來信宿北方去手棹木蘭舟不顧長江雨江氏自氣陰黑雨落无
朝暮蕭蕭赴波濤濛濛二暗洲渚微涼入窓闔斜吹濕萑葦漂灑止紛紜談
笑方容与不知江路長但覓青山鷺客去浩難追落日平西浦東遊本无
事愛此山河古周旋樽俎歡邂逅英豪聚茲遊有遺趣此樂恐官屢賤士
迫程期迂延防護怒秋風日已至輕舸行當具陰森古城曲蒼莽交流处
縣知別時念將行重回顧非緣一寸祿難作三年住

送程建用宣德西歸

昔与君同巷參差對柴荆艱難奉老母弦歌教諸生藜藿飽臧獲布褐均
弟兄貧賤理則窮礼義日益明我親本知道家有月且評逡巡戶牖間時
聞歎息声善惡不可誣孝弟神所聽我見此家人处約能和平它年彼君
子豈復地上行尔來三十年遺語空自驚松阡映天末苦淚緣冠纓子親
八十五瞠然老人星安廬及祿養平反慰中情月俸雖不多足備甘与輕
今年復考課得秩真代耕倚明老鶴望策馬飛鴻征歸來歲云暮羊奉屠
觥我詩不徒作以遺鄉黨銘銘其家事知非貧賤人也此語未嘗察人條

佈三十年矣因君西歸作詩言之不竟流涕

送柳子玉

柳侯白首郎風格終近古舊遊日零落新輩誰与伍人情逐時好变化無
定主試看近時人相教蹈規矩行身劇孔孟稱道皆舜禹但求免譏評豈
顧愁肺腑坐令不羈士幸足遭網罟緬懷我生初遺俗向目睹中庸雖已
亡比近則猶愈老成慎移好後生守淳魚豈效相謾欺街牛江馬脯過惡
酒色間可罪非可惡譬如嵇与阮心迹豈深靈京師逢柳侯往事能歷數
歎息子美賢相与實舊故至今在篇章醉墨龍蛇舞斯人今苟在亦恐終
囚虜惜哉時論隘安豈失處所一麾寄何壻垂老幸有土世俗安足論且
尽杯中醕

送張公安道南都留臺

識公歲已深從公非一日仰公如重雲庇我貧賤迹公歸无留意我处念
平昔少年喜文字東行始觀國成都多遊士投謁密如搗紛然衆人中頭
我好顏色猖狂感一遇邂逅登仕籍尔來十六年鬢髮就衰白諱身日已
謬然世復何益從來李姐且漸老信典册自知百不堪偶未三見黜譬如

清中斷誰復強收拾高懷絕塵土舊好等金石岸齋幸无事樽俎奉清適
居然遠憂患况復取矜式汪洋際海深淡泊朱弦直徇時非所安歸去亦
何失道存尚可卷功成古難必還尋赤松子獨就丹砂術恨无二頃田伴
公老蓬華

偶游天愚見餘杭明雅照師舊識子瞻能言西湖舊遊將行賦

詩送之

五年賣鹽酒勝事不復知城東古道場蕭瑟寒松姿出遊試偶不相逢亦
不期西軒吳越僧施檐來多時言住西湖中岩谷澗清漪却背閭井喧曲
尺水石竒昔年蘇夫子杖履无不之三百六十寺處處題清詩麋鹿尺相
識况乃比立師辨淨二老人精明吹琉璃笑言每忘去蒲褐相依隨門人
凡杖立往往聞談詞風雲一解散变化何不為辨入三昧火印塔長松歌
淨老不復出塵尾清風施蘇公得罪去布衣拂霜鬚空存壁間字鬱屈蟠
蛟螭知我即兄弟微官此樓邊問何久自苦五斗寧免飢俯首笑不答且
尔哂敖嬉我兄次公狂我復長康癡反復自為計定知山中宜但欲畢婚
娶每為故人疑君歸謾洒掃野鷗非長羈

送王鞏無簡都尉士詵

可憐杜老貧无食杖藜曉入春泥濕諸家厭客煩惱人往往閉門不得入
我今貧与此老同交遊冷落誰相容幸君在此足游衍終日騎馬西復東
送君仍令君置酒如此貧交世安有君歸速語王武子因君回船置十斗
次韻王適兄弟送文務光還陳

三君皆親非復客執手河梁我心惻倚門耿耿夜不眠挽袖忽三有難色
君歸使我勞竟夢落葉鳴嗥自相擁君家西歸在新歲此行未遠心先恐
故山方里知何許我欲因君亦歸去清江髮鬢釣魚船脩竹平生讀書處
青衫白髮我當歸咄嗟式微慚古詩少年勿作老人調被服榮名慰所思
送劉長清敏

汝州太守卧病年疊重猶復能清言平生雄辯嗟不見風流尚有曹州存
歷下東遊少相識歡喜聞君在西邑舊知兄弟无凡儔相逢一笑開顏色
三年政令如牛毛思歸南畝肯蓬蒿羨君飲酒動論斗引觥向口收狂潮
醉後胸中百无有偃然嘯傲傾朋曹中朝御史是官府君歸何處狂歌謠

劉原甫相長安
高麗宰相

次韻子瞻送陳睦龍圖出守漳州

海上石橋餘折棟大舶記君過鐵瓮東行千里若乘空老蜃長鯨應入控
波搖風卷卧不起免教髀肉鞍磨痛歸來過我話艱苦驚汗津二尚流永
海涯風物益成圖錯落天吳兼紫鳳至今想象隔人世往往風濤吹畫夢
長沙欲往厭飛楫幸有千兵作迎送文章清逸世少比科第崢嶸聲自重
遠行屢屈眾所歎出祖誰攀車欲動明朝鼓角背王城莫聽單于吹曉弄
子雍奉使三韓職時在南都見其往反故此詩言之

送施歷城辯歸常州

高人不受塵土侵三年浙江藏何深久閑物理有相復歷城官事未成林
乘時歛散逐十二鞭撻逋負徒哀矜一杯相屬未嘗得百畝歸去嗟安能
潛迹雖出智者後龜勉尚見仁人心歸期忽告三月尾強留不顧千黃金
河豚雖過鱸鱖在粳稻正插風雨淫酒肴勞苦罄隣里期會迫隘思僚朋
山川吳越我所愛扁舟它日要追尋滯留未用便相詫半年歲月行駸駸

類編增廣類濱先生大全文集卷第五十四

類編增廣類濱先生大全文集卷第五十五

送行下

送韓宗弼

大野將凍河水微慨然臨流送將歸登舟上帆手一揮脫弃朋友如弊衣
我來三見芳草腓來時同寮今已非念昔相從未嘗違西湖幽遠人事稀
青蓮紫艾傾珠璣白魚掉尾黃鱖肥客醉將起命闔扉方橋月出風露霏
星河下照搖清輝喧呼笑語相嘲譏歲月一逝空長歎交遊去尺將誰依
君家漢代平與韋藹然令德傳餘徽鳴鳩著地鴻高飛安得久此同繫鞅

送劉道原學士歸南康

大川傾流万物俱根旋脚脫爭奔徂流萍斷梗復誰數長林巨石曾須臾
軒昂顛倒唯恐後嗟子何獨強根株三年一語未嘗屈擬李文幸驚當塗
心知勢力非汝敵獨恐清議无遺餘扁舟歲晚告歸覲家膳欲及羞葦鱸
隱居高節世所尚掛冠早歲還州閭紛紜世事不着耳得失豈復分錙銖
投身固已陷泥滓獨立未免遭沾濡君歸左右識高趣牛毛細數分賢愚

送李鈞郎中

君家毗陵本江南雖為浙西終未甘風流秀發自不減氣質渾璞猶中含
敲榜滿前但長嘯簿書堆案常清談湖中往往載畫舫竹下小小開茅庵
歌吟髣髴類騷雅道引委曲師彭聃新茶潑乳睡方齋綠酒傾水醒復酣
一朝揮手去不顧使我把袂心難堪扁舟水涸費牽挽馬雪凍憂朝參
一官來往似秋燕薄俸包裹如春蚕東南乞糈尚可憐白首誰念家无貲

送歐陽辯

我年十九識君翁須髮白尺顴頰紅竒姿雲卷出翠阜高論河決生清風
我時少年豈知道因緣父兄願承教文章踈略未足云卒止猖狂空自笑
公家多士如牛毛揚眉抵掌氣相高下客逡巡愧知己流枿低昂隨所遭
却來京洛三十載重到公家二君在伯亡仲逝无由追淚落數行心破碎
京城東西正十里雨落泥深早塵起衣冠纏繞類春蚕二歲相從知有幾
去年叔為尚書郎家傳舊業行有望今年季作瀆淵吏米鹽騷屑何當起
前輩今无一二存後來幸有風流似黃河西行於沒屋桑柘如雲麥禾熟
年豐事少似宜君飽讀遺書心亦足

送鮮于子駿還朝兼簡范景仁

蜀中耆舊久无幾相逢握手堪沈涕勸游潦倒不還家舊公陰遲真委地
錢荒粟帛賤如土摧峻茶鹽不成市詩書鄉校亦古法節行故人安近利
欲歸長恐歸不得歸去相勸定誰是低回有似羊觸藩眷亦僅同雞擇米
中山先生昔所愛南都攝尹私相喜窮冬夜長一事无灯火相從夜深睡
讀書芳卷老不發感寓百篇深有意俗吏推知畏簡書窮途豈意逢君子
春風歸騎忽西顧平曰高談應且止朝騎疋馬事朝謁莫就一床尋夢寐
猶有城西范蜀公買地城東種桃李花絮飛揚洒滿壺談笑從容詩百紙
紅塵暗天獨不知白首相看兩无愧古人避世金馬門何必柴車返田里

送梁文之徐州

湖水清且深新荷半猶捲未見紅粧窈窕娘先排翠羽參差扇水面風生
人未知歌傾俯仰長先見岸上游人莫不歸清香入袖涼吹面投壺擊鞠
練楊陰兵及清樽食白飯坐中飛將忽先起輕衫出試彭門遠百步洪西
白浪翻戲馬臺南雲岫滿江山雄鷹信宜人風流孰似梁王苑

送李憲司理還新喻

采芹芹已老浴沂沂尚寒蒯緱長歎息首宿正闌干黃卷忘憂易青衫行

路難歸耕未有計且復調閑官

送章戶掾赴澧州

江船不厭窄船窄始宜行風裏長先過灘頭一倍輕迎親無惡處祿養勝躬耕澧上春蘭早猶堪吊屈生

送張師道楊壽祺二同年

故國多賢俊登科並弟兄重來舊遊處兩見近題名冉冉須堪把駸駸歲可驚孤軛已南向疋馬復西征入峽猿應苦還荆鴈已鳴喜從元帥幕官職漸崢嶸

送趙岷祕書還錢塘

世人何局促奔走鬢蒼蒼聞道餘杭守獨遊何有鄉禪心朝吐月元氣夜生光清靜安能察寬仁服暴強名高一世風采見諸郎謁帝朱為紱還家綵作裳經過留畫舫談笑接清觴問訊顏依舊崢嶸歲自長人生真幾許世味不堪嘗歸去聞詩罷求余却老方

送陳安期都官山城馬上

城中二月不知春唯有東風滿四塵歸意已隨行客去流年驚見柳條新

簿書墳委何日秊問羨燕愧古人二頃稻田三畝竹故園何負不收身

送錢承制赴廣東都監

家聲遠繼河西守游宦多便嶺外官南海无波開閩舸北堂多暇得羞蘭忽聞常棣歌離索應寄寒梅報好安它日扁舟定歸計仍將犀玉付江湍

送杜介歸揚州

揚州繁麗非前世城郭蕭條却古風尚有花畦春雨後不妨水調月明中東都甲第非嫌汝北牖羲皇自屬翁渭洛放船經月事急先鴈鳩遶芳藜

次韻唐觀送姜應明謁新昌杜簿

夫子雖窮氣浩然輕衰短傲江天薄游到处唯耽酒歸去无心苦問田泮上講官殊不俗山中老簿亦疑仙相從未足還辭去欲向曹溪更問禪

姜如晦方作嶺外之行

送戴朝議歸蜀中

岷山招我早歸來劔閣橫空未易回北叟忽驚鷓鴣晚西轅欲及海棠開避仇賦客親耕耒因乱詩翁著酒杯但愛江山无一事為言莫莫相猜

送毛滂文蔚郎

先志承顏善養親束裝騎馬試為臣酒腸天與渾无敵詩律家傳使出入
擁鼻高吟方自得折腰奔走漸勞神歸來一笑須勤取花發陳吳二月春

送唐觀

溪上幽居少四隣西家幸有著書人經年食菜誰於瘦終日題詩自不賢
身在江湖釣竿地心馳蘭會戰車塵此行便有飛騰興笑殺年來老病身

唐君常欲為陝兩官
慨然有功名之志

送姜司馬

七歲立談明主前江湖晚節弄漁船聞雞誰識城東老喪馬方知塞上賢
生計未成歸去詠草書時發醉中顛當時不解看齊物氣踴如山誰見於

次韻王鞏九日同送劉莘老

頭上黃花記別時樽中綠酒慰清悲登船牽挽故不發紅粉留連未遽離
小雨无端添別淚送山有意助嘔眉十分酒盞從教勸堆案文書自此辭

送顏復赴闕

簞瓢未改安貧性鳧繹猶傳直道餘不見失官秋感二但聞高卧起徐徐
居中舊厭軍公講補外仍遭城旦書此去將身置何許秋風未免憶鱸魚

送許夔赴代州教授

憶遊太學十年初猶見胡公曾弟餘遍閱諸生非有道最冷能賦似相如
青衫共笑方持板白髮相看各滿梳暫免百憂趨長吏勉調三寸事新書

送任師中通判黃州

一別都門今五年劇談精壯故依然厭居巴蜀千山底決住荆河十頃田
老去功名无意取身閑詩筆更能專黃州无事聊須飲世俗方今自足賢

次王適韻送張耒赴壽安尉二首

綠髮驚秋半欲黃官居无处覓林塘浮生已是塵勞侶病眼猶便錦綉章
羞見故人梁苑廢夢尋歸路蜀山長於君願我情依舊行性蕭疎未受霜
魏紅深淺配姚黃洛水家家自作塘遊客賈生多感既閑官白傅足篇章
山分少室雲煙老宮發連昌草木長路出高高雁少駐孱顏新過一番霜

送呂由庚推官得替還洛中二首

君家相國舊元勳灑二中丞繼後塵談笑二年同幕府風流一倍愈它人
南都去後少佳客西洛歸來多老臣我亦官遊无久意他年松竹許相隣
洛水留人一向乾雪泥溢路十分寒送行我岂无樽酒多難知君久鮮歡

回首秋愁恰老病凌風爭看試輕翰到家定見嵩陽老問我衰逢未解官
司馬君實提李嵩山崇福宮

餞別

次韻子瞻潁州留別二首

託身遊宦鄉終老羨箕穎隱居亦何樂親愛形隨影念兒適吳越霜降水
初冷翩然事舟楫并此室廬靜平明知當發中夜抱虛敬永懷江上宅歸
計失不猛人生徇所役有若魚墮井遠行豈易還劇飲終難醒不如早自
乞閑日庶猶永世事非所憂多憂亦誰省

放舟清淮上蕩滌洗心曾所遇日轉勝恨我不得同江淮忽中斷陂隸何
重重紫蠟三寸筐白鳧五尺童赤鯉寒在汕紅粳滿霜風西成百物賤加
食慰貧窮胡為復相念未肯安南東人生免飢寒不受外物攻不見田野
人四壁編茅蓬有食輒自樂誰知富家翁

將還江州子瞻相送到劉郎沈王生家飲別

相從恨不多送我三十里車湖風雨交晉車賦軒轅居其水曰車湖松竹相披靡
枯木根會面兩王子嘉眉雖異郡雞犬固猶近相逢勿空過一醉不須起

風濤未可涉竹見奔馱渡江買羔豚收網得魴鯉朝畦甘瓠孰冬菘香
醪美烏菱不論價白藕如泥耳誰言百口活仰給一湖水奪官正无賴生
事應且尔卜居請連屋扣戶各履履人生定向為食足真已矣愆尤未見
雪世俗多相鄙買田信良計蔬食期沒齒手持一竿竹分子長湖尾

次韻子瞻留別三首

公來十日坐東軒手自披雲出朝日山川滿目竟何有波浪翻天同一濕
諸門迭出驚異狀間道懷歸終舊壁此行千里隔江河何人更問維摩疾
野人性似修行僧長願幽居近林麓南迂无計脫簪組西歸誰為我松竹
頭上白雲即飛蓋耳畔清泉當鳴玉洛川猶是冠蓋林更願高飛逐黃鶴
東西南北无住身竭末封胡四男子彫鏤不遺治章句爛熳先令飽文字
踈慵嗟我厲之人生子夜中唯恐似傳家粗足不願餘同駕柴車還我里

飲錢王鞏

送君不辦沽斗酒撥醅浮蟻知君有問君取酒持勸君未知客主定何人
府中杯棬強我富案上首藉知吾真空厨赤脚不敢出大堤花艷聊相親
愛君年少心樂易到處逢人便成醉二書大軸作歌詩頃刻揮毫千萬字

老夫識君年最深年來多病苦侵凌賦詩飲酒皆非敵危坐看君浮大白

李誠之待制燕別西湖

熙寧六年九月天章閣待制李公自登州來守此邦愛其山川泉石之勝怡然有久留之意此邦之人安公之惠亦欲公之久於此也然自其始至而民知其方將復用懼其不能久矣明年二月詔書移牧河間邦之父兄皆惜其去雖公亦將留焉而不可得也於是數与其僚燕於湖上曰北方幸安余將復老於此酒酣賦詩以別從而作者三人公平生喜為詩所至成編及來此邦而未嘗有所為故尤貴之遂相与刻於石以慰邦人之思焉

東來亦何恃夫子此分符談笑万事畢樽罍衆客俱高情生遠岫清興發平湖坐使羈遊士能忘歲月徂縱歡真樂易恨別不須更廟幄新謀帥河間最近胡安邊本餘事清賞信良圖應念茲園好流泉海內无

追和張公安道贈別絕句

余年十八与兄子瞻東遊京師是時張公安道守成都一見以國士相許自尔遂結忘年之契公晚事裕陵君臣之義初不淺也既而占

用事者異議拂衣而出初守宛丘安守南都余亦以議論不合連從公游元豐初子瞻以詩獲罪竄居黃州余謫監筠州酒稅公凄然六樂酌酒相命手寫一詩為別曰可憐萍梗漂浮客自歎匏瓜老病身從此空齋掛塵榻不知重掃待何人後七年蒙恩召還復見公南都自是又八年而有升沈之歎時公薨已數年矣及自龍川還潁川姪過出子瞻遺墨中有公所贈章覽之泣下不能止乃追和之

少年便識成都尹中歲仍為幕下賓待我江西徐孺子一生知己有斯人

高郵別秦觀三絕

濛濛春雨濕邦溝蓬底安眠足且擁裘知有故人家在此速將詩卷洗閑愁筆端大字鴉棲袖裏新詩句琢冰送我扁舟六十里不嫌罪垢汚交朋高安此去風濤惡猶有廬山得縱遊便欲攜君解船上念君无罪去何求

次韻王鞏留別

吏策歸田豈世情網羅從此脫餘生請君速治雞黍且待我同為沮溺耕秋社相從釀錢飲日高時作叩門聲茅廬復恐非君處籍一朝中望已傾

次韻王適留別

遠誦勞君兩度行復將文字試平衡干時豈為斗升祿聞道應忘寵辱驚
未了新書誰與讀重留佳句不勝情決科事畢知君喜俗季消磨意自清

高郵贈別杜介仕奉

淮南魚米年三賤直便歸休无俸錢錦背圖書何益事塵生絃管正參禪
逢人未廢一樽酒送客長隨百里船世上得如君自在不須開府事開邊
幾先去年送家兄子瞻至
高郵今年復留此相別

次韻李昭叙供備燕別湖亭

池亭雨過一番涼雲鬢羅裙安兩旁不覓行人離恨遠貪看積水照蓮光
蒲堂禱姐歡方劇極目江湖意自長歸去伊川滿洒也不須遺念屬清湘

許州留別頓主簿

洛寺相從不出門遶城空復記名園程文堆案晨與早竹簾連牀夜語喧
歸路逢僧暫空舍登山无力強扳援遙知別後都如夢賴有君詩一存

李邦出巡青州余不久將赴南都比歸不及見矣作詩贈別

東道初來託故人南樓頻上泗河濱江山尚有留人意樽姐寧當厭客貧
願我及秋行不久問君觸執去何因因西歸涼冷霜風後濁酒清詩誰與說

惠貺

子瞻惠雙刀

彭城一雙刀黃金錯刀鏢脊如雙引繩色如青琅玕開匣飛電落入手清
霜寒引之置膝上凜然愁肺肝我衰氣力微覽鏡毛髮班班將斬鯨鯢靜
此名海瀾又欲戮犀兕永息行路難有志竟不從撫刀但長歎投刀淚如
霰北斗空闌干歸來刈蓬蒿鉏田植芳蘭惜刀不忍用亦非所便弃置
塵土中坐使鋒刃刈床頭夜生光知有蛟龍蟠斬君贈我意時取一磨看

郭尉惠古鏡

凜凜如秋月照虛空遇水留形如了同一瞬自成千億月精神依舊滿胸中
俗言以鏡予人損
已精神故解之云

毛君惠温柑荔波二絕

楚山黃橘彈丸小未識洞庭三寸柑不有風流吳越客誰令千里送江南
荔子生紅无柰遠陳家曬白到猶難雖无驛騎紅塵起尚得佳人一笑歡

荅孔平仲惠蕉布二絕

蕉葛終年累之輕薄蕉如霧氣元清應知浣濯衣稜敗少助晨趨萃萃聲

灯籠白葛扇裁紉身似山僧不似官更得雙雀縫直掇都人渾作道人看

次韻徐正權謝示閔子廟記及惠紙

西溪秋思日盈牋幕府拘愁季父騫記廟終懸无好句醉墳猶喜有前篇

先生作祭屏除筆硯真良計寫寄交遊畏妄傳吳紙贈君莫怪耕耘廢

龍子文能有閑田

謝張安道惠馬

從事年來鬢似蓬破車倦僕眾人中作詩僅比窮張籍得馬還從老晉公

夜起趁朝非所事曉騎行樂定誰同慣乘款段遊田里怯聽駸兩耳風

張水部集有謝裴晉公惠馬詩

次韻李豸秀才來別子瞻仍謝惠馬

小床臥客笑元龍彈缺元輿下合中五馬不許分後乘輕裘初許弊諸公

隨入射虎氣終在徒步白頭心頗同遙想據鞍橫梨麪新詩一一建安風

類編頴濱先生大全卷第五十五

類編增廣頴濱先生大全文集卷第五十六

平慰

勉子瞻失幹子

人生本无有衆幻妄聚耳手足非吾親何況妻与子偶來似可樂強作室

家喜忽去未免悲欣成要矜毀君家兩歲兒畢竟何自始变化違初心涕

泗劇翻水吾儕近始悟造物聊復試道力竟未完聰明信難持

破甑不復顧彼无愛甑心弃壁負赤子始驗愛子深誠知均非我胡為有

不能一從三界遊久被百物侵朝与喜奴交暮与龍唇臨回物皆不勝生

死獨未曾經大火燒孰為真黃金弃置父子恩長住旃檀林

過王介同年墓

平生使氣坐生風徐扣方知李有功應奉讀書无復忘虞翻忤物自其窮

埋根射策久弥奮投老為邦捍莫攻墳木未須驚已拱少年我已作衰翁

昔与中甫同登制科僕年最少今已老矣

挽詞

神宗皇帝

稽古堯无作勤邦禹有功政新天地方事改漢唐風礼樂寰中盛梯
外通華封徒有誦龍御忽乘空
永平終不处付託重難難統接神孫正人依聖母安橋山封劔佩原廟見
衣冠乃国纏哀处嵩陽梅相寒
取士忘疎賤量書廢寢田芻言本何益玉殿最先登日角依稀想堯言涕
泗耕龍舞遠莫及零淚凍成冰

范丞相堯夫

持身守忠恕臨事取浮沉直道更三黜平生惟一心家風來自遠国論老
弥深令德真如玉泥沙狂見侵
南迁頭已白北返病初加君意知无罪天心許到家同朝曾忝舊握手一
長嗟時事纷无已還應付棟華

李簡夫

老成渾欲尽平客一潜然遺事人人記清詩句句傳掛冠疎傳早樂世白
公真歎息風流在埋文得細鐫
歸隱淮陽市遨遊十六年養生能淡泊愛交故留連傾盖知心晚論詩

病前葆光塵滿壩无復聽談禪

利路提刑亡伯郎中

好文先鄉黨登科復妙年誰為耆舊傳最處縉紳先淪謝今亡矣風流孰
继焉菟歸食里社世仰仁賢
晚歲官仍困終身恥自言廉明漢循吏仁愛鄭公孫赤縣朝稱理衡山德
共尊遠人應罷市处有遺恩

惠穆公

全齊開故国清廟鄉食之功德業直无忝動名但未充邊防推信惠社稷倚
勤忠不作司徒貴何慚鄭武公
風俗非平昔自豪存此時新阡長宿草行路拜豐碑惠術遐方記嘉猷信
史知悲凉哭墳客不為受恩私

王度支陶

風蹟殊不昧虜名官偶然長途催駮驥爽氣激鷹鷂意以成遺恨松楸卜
遠年凄涼故吏尺誰封前
京塵音傾盖江国見佳城零落舊冠劔艱難孝弟兄存亡看世俗意

平生曉繹知人恨幽音亦未平

故濮陽太守贈光祿大夫王君正路

落承平佐英嗣世風芝蘭託庭戶為鶴峙椅桐結友真豪傑傾財緩

急中悲傷聞故老淪謝未衰翁

吳中試良守濮上繼嘉聲平賦權家恨蠲租盜俗清家貧又未葬身去獨

留名天報多男子終存好弟兄

范百嘉百歲昆仲

少年何敏銳才氣伏諸生展卷五行下揮毫万字傾百年殊未艾一病竟

无成誰謂從夫子同開鬱城

季子尤高爽顏家早哭回白頭生便尔黃壤遽相催舊草誰收拾新松剩

插栽悲傷有伯氏諸子尚嬰孩

歐陽伯和仲純

之人雖蚤病對客每清言不信疾為累妻稱孝有原遠疎視名吳巢麻指

乾坤長短何須問傳家已抱孫

仲氏氣无前為文思湧泉飄然落筆地時出疾邪篇枕餘要經雪驂驢待

着鞭淒涼悲故客不及見華顛

唐修撰義問

家風墓栢老遺直故依然節見南遷後神疑未暝前臨民舊有法訓子適

成篇九轉今猶在參同豈妄傳

我返南荒日君臨舊許初笑談寬老病旌旆擁茅廬酒美開雖數溪堂到

尚踈誰言生死隔近在浹旬餘

傅銀青

名自烏臺發恩從鳳沼深塩梅和衆口金玉比誠心澹泊平生事弥留一

病侵遺言自无憾朝野為沾襟

丹旌国西門茅廬濼水源官清貧似舊名重沒猶存臺閣傳遺懿交遊拭

淚痕君恩不改故延賞遍諸孫

樞密致書王彥霖

試吏有能名升臺擅直声雄飛極九載脩路止三城壯志方凌厲遺書忽

歎驚老人殊可念白首泣新榮

傾蓋晚相親東西省戶鄰聽君占諫草繼我出詞論京尹声初泐庭迹

尚新邨歎炊未熟榮謝隔巡逡

呂司空

少年輕富貴一意在詩書共恨經綸晚纔收老病餘冥言知德勝善雁本
中虛卒相承平業謳歌元祐初

將相家声近動名晚歲隆給扶安舊德賜府壓群公不見弥縫迹空推翼
戴功山公舊多可寒士泣清風

罷郡來清穎微官憶宛丘頽垣那可住隱几若將休復起民欣願全歸天
不留世間反覆手有德竟无憂

公罷穎州還居於陳轍為陳宰官時請見焉

范蜀公

能言人尽尔有立世終稀憂國常先衆謀身亦勇歸見竒初或笑要極未
應非僅以西山老終身止食薇

賦傳長嘯久書奏鏘鍾新共歎文章手終為禮樂人遺風滿臺閣好語落
簪紳欲取褒雄比終非骨鯁臣

劍外東來日城西却住年高齋留寓宿旅食正蕭然語極聞投石詩新看
湧泉清樽寄苦淚一洒葉墳前

張安道

道廣中无競才高治不煩安心本篤靜憂世亦時言壽考同儕尺經綸故
事有猶雁門下客微論記根原

孤高山世學豪邁謫仙人早歲猶和俗中年自識直定餘時發昭塵尺四
无隣聞道騎箕尾還應事玉晨

西蜀識公初南都從事餘一言知我可久好復誰如李術留元歎家声付
伯魚霜天近生日聞挽重欵獻

韓康公

闕闕元高世功名自發身堂堂揖真相矯出稠人許國心先定輕財物
自親傳經比韋氏世世得良臣

耆年時一二新第闕西南好客心終在忘懷日縱談規模人共記風味我
猶諳誰是羊曇自回車意不堪

師曠聞弦日相如作賦年雖斲衆人後負值主文賢北道初聞乃南江正
遠迂平生闕親近遺恨屬新阡

王君貺宣徽

妙年收賈傳白首貴王陽志氣文章在功名歲月長遺孫依舊德故吏滿
諸方河朔三持節斯民定不忘

謫隨神仙侶飛翔亦鳥鳳空舊逢黃石老陰許赤松期歷三僧伽記申申登
傳詞翻然歸海嶠无復世人知公少年過四州於僧伽塔中見一老僧謂

已而果然既登科見張節公為公言吾為射洪令尉捕得一入疑其行劫
吾竟其非是釋之問其所從來則山中隱者也以藥遺我曰服此藥可以
終天年而无病且約我貴極人臣今于方且貴慎勿咎

從軍在河上杖鉞喜公來幕府方閑暇歌鐘得縱陪它年老賓佐過國泣
樓臺猶有墳碑在仍令故國開今樞密安公厚卿昔與轍同在
幕府公家方求厚卿作墓碑

歐陽太師

雄文元命世直氣早成風受任衰遲後安邦反側中迴天深有力扈聖取
言功事已身隨去驚嗟柱石空

唐弊文初喪書成法至今雍谷超聖死深切可人心氣力知難繼風流喜
不淫懸知公欲謝異說勇交侵

推轂誠多士登龍盛一時西門行有慟東閣見无期念昔先君子嘗蒙國
士知舊恩終未報感歎不勝悲

司馬溫公

白髮三朝舊青山布衾封章留累所德澤在人心未起謳吟切未歸
託深楊公不久住天意定難挽

決策傳賢際危言變法初紛々看往事一驗遺書富貴終何有清平只
自如西州不忍過行哭便回車

區々非為己懇々欲忘生力尽心終在身亡勢亦成遺民拋劍戟故老半
公卿魏邴生前友俱傳漢相名

少年真猶淺射策本履踈欲廣忠言地先收衆弃餘流離見更化解迨捧
除書趙孟終知厥他人恐罵子

滕達道龍圖

才適邦家用孝非草句儒遭逢初莫測流落一長吁大節輕多難深言究
遠圖收功太原守談笑視羌胡

南竄逢公弄水亭公時守池北歸留我闔閭城壯年不見日千里餘論猶驚
敵方兵簡無何人知造滕邊防觸外疎先聲傷心繫舸城東地目斷安知

有死生

曾元翰中大

遺直誦家声持心本至誠何勞求覈察所至自安平氣象餘前輩才華
屬後生飛騰看諸子相繼亦公卿

十年初見范公園知与錢塘結弟昆樂易向人无可踈慵憐我正忘言

南迁却返逢北渡遠聘相過道近潘无復放懷譁笑語挽詩空寄淚孱爔

子瞻兄始与元翰皆倅杭州及自彭城還止都門寓居范景仁東園元翰
時來相過子始識之其後南迁元翰出守洛州及奉使契丹元翰復守滑
臺皆接從
容者久之

王子難龍圖

帝子乘鸞已列仙遺芳留得衆孫賢俊科名与寒儒競禁從終償白髮年
董路聰鑣驚往事圃田回首泣新阡舊聞推歷知天命看熟黃梁定洒然

元絳參政

吳越朝天功在民當年卿相亦仁人曾孫終与元豐政故老猶知異代因
吏治清明開白日文詞俊發吐青春鄴都從事堂中客涕洒高原柏子新

曾子固告人

年漂泊馬光祿末路蹇騰朱會稽儒術遠追齊稷下文詞近比漢京西

平生碑版无容继此日銘詩誰為題試數廬陵門下士十年零落曉星低

王仲儀尚書

謝公德業久弥新幻度英奇也絕倫父子俱傳真不朽功名自致豈相因
邊丘屢動思良將廷論蕭條憶諍臣青史世家他日事新阡宿草倍沾巾

張文裕侍郎

持節西南二十年華堂遺像已蒼然歸來侍從三朝舊老去雍容平地仙
落筆縱橫題壁处誦詩清壯奉杯前東遊邂逅迎歸旆淚落城南下馬阡

成都尹陸介夫

擁節西南未一年淒涼道路江東轅蜀都富樂直當惜民事艱難誰復論
白馬何人趁遠日青芻盈束更无言異時歸去逢遺老空聽咨嗟述舊恩

李誠之待制二首

脫遺章句事經綸滿腹龍蛇自屈伸南駕威靈傳絕域西征舊恨失姦臣
空留諛疏驚頹靡終託詩詞話苦辛直氣如雲采應尺一雙嗣子亦駢麟

濟南風物在西湖上逢公初下車談笑樽前伏齊虜旌旗門外聽除書
一封未奏先焚草三黜歸來便種蔬淚落西堂歌酒地杉松空見歲寒餘

黃幾道郎中同年一首

温恭天賦此心良，惠愛人知政術長。井水无波任鉚鍊，牛力投隙應宮商。
分符出遍名城守，携被歸從華省郎。不到汝陰遺恨遠，坐令湖水減清光。
早歲相從能幾時，淮陽花發正游嬉。鳴弓矍相人如堵，席地滄浪柳作帷。
千載舊遊真是夢，一時佳客尚存誰。送聞葬日車千兩，漬酒縣中寄一悲。
轍昔与幾道相遇於陳守張聖民相与游從甚密逮今將三十年當時賓客在者少矣而幾道復亡去言之悽惻无已

柳子玉郎中二首

晚歲抽身塵土中，瀟山仍乞古仙宮。羞將白髮隨馮叟，欲就丹砂繼葛洪。
龍虎未能留物化，芭蕉久已悟身空。騷人欲作招魂賦，蟬蛻宜非世俗同。
新詩錦繡爛成編，醉墨龍蛇灑未乾。共首卜居空舊約，死丘携手憶餘歡。
風流可見身如在，鄉国全歸意所安。行到都門送君处，長河清淚兩泂瀾。

臨川陳憲大夫二首

一時冠蓋盛臨川，直亮推公益友先。淡泊朱絲初少味，蕭疎翠竹久弥鮮。
崎嶇处世曾何病，奔走成功亦偶然。天理更疎終不失，雍今見子孫賢。
五月扁舟憶過門，哀吟逐客為招魂。開樽不惜清泉挈，揮汗相看白雨翻。

病起清言舊苦瘦，歸休尺牘尚相存。秋風洒涕松楸外，談笑猶疑對竹軒。
公家有竹軒轍并賦詩

大行 太皇太后

內治隆三世，尊臨極九年。神孫克負荷，大業付安全。有道華夷靖，无心怨
惡後和。喜成策，漢從此不稱賢。

約己心全小，寬民德有餘。外家恩澤少，先后禮容虛。有司每以章獻太
深自菲薄不原廟因前室，有司將築神宗皇帝神御中朝避冊書。頃
敦當而止將受冊寶當御前，殿議功名不勝紀。回謚歎猶踈，近以四謚進呈上勤曰
將受冊寶當御前殿議近以四謚進呈上勤曰

大行 皇太后

累朝宗內治，晚歲擅鴻勳。立子得元聖，收簾奉長君。三言消橫逆，多難弭
紛紜。仙馭曾非遠，長瞻紫蓋落雲。
家風永舊相，國脉繼皇姑。定策從中禁，傳聲振海隅。春風開閉壑，朝露濕
焦枯。万里生還客，冠纓淚雨濡。

追尊 皇太后

月缺年何久龍飛事一新
追崇名号正同祚
禮各均鳳翼低迎日龍輶細
起塵都人知舜孝擁紳及霑巾

德美鍾岐疑榮華倍感傷
一時朝野恨百世本支長
出祖悲无憾因山儉
有光它年過嵩洛望拜裕陵旁

亡伯母同安縣君楊氏

德盛諸楊族賢宜伯父家
周姜職顯藻歎母事垂麻
大邑移封近陰堂去
日賒空餘鏡奩在時出舊笄珈

歐陽文忠公夫人

先生才蓋世家事少經心
流落初相遇委蛇志益深
功名入圖史文字刻
璆琳有助知由內駟
虛發重吟好禮忘耆老
持家歷成盛謹嚴終致
貧富各從且晚歲仍聞道
臨終竟不疑外人傳
一一猶得載銘詩

吳冲卿夫人秦氏

匡老相隨尺家風既獨存
見夫成相業聽子得忠言
夫人長子起居昔將
論事以南遷之夏訪
以高官許季氣節漸多士
声華盛一門平生高義重
未易俗人論

唯頌成章早春秋發論
長風規留叔文采似中郎
覽古明興廢臨危喜
激昂南迁初不恨李杜得從滂

亡嫂靖安君蒲氏

家風足圖史婦德儼蘋蘩
湯沐從夫寵冠衣席弟恩克
家傳衆子有後慶多孫追養心
何極增封禮尚存官遊非不遂
流落自龔踈宗黨半夫未存亡
齋素書佳城東嶺外茂木故
阡餘遙想千車送臨江涕滿裾

孔毅父封君

交契良人厚家風季婦賢
詩書中有助蘋藻歲无愆象服期
它日恩封属此年神傷自不查
平客問潜然別日笑言重
歸來藥餌憂鍾歌掩不試員葉乱
誰收恨極囊封在情多壘木稠
埋文應自作一一記微猷

曾子宣郡太

族大徽首遠年高福祚多
生兒及龍虎封國裂山河
象服驚初拊埋文信不磨
送車工郭浦因絕聽哀歌

安輿遍西北月桃歷江湖石沒終無據京榮未得俱新封崇正驥餘程慶
浮圖家法頻發在空室始一真

安厚卿樞密母夫人

家起側微中身兼富貴終慈仁本宜壽勤約自成風大府寧居久名邦賜
沐雄共傳生子福仍指讀書功

早歲參戎幙開明對粉牆初聞寡兄弟共羨好姑嫜一別飛騰速全歸福
祿長遺芳在子舍它日望岩廊

章氏郡君子厚母

馮唐垂老郎潛後李白風流罷直餘解組同歸榮故國剖符仍得奉安輿
家產禿替二公舊莖客應傾數郡車德映閨門人莫見埋文子細列幽墟

類編類濱先生大全卷第五十六

刊編曾廣類濱先生大全文集卷第五十七

嘲諛

戲頌三絕

懊惱嘉榮白髮年逢人依舊唱陽關渭城朝雨今誰聽研鼓跳踉一破顏
謝傳淒涼已老年胡琴羌笛怨遺賢使君於此雖不俗挽斷髭須誰見於
遍地花鈿歎百年蒼顏白髮意凄然回頭笑指此郎子破賊將來知有天

東軒長老二絕

始余於官舍營東軒彭城曹君煥子文自浮光訪余於高安道過黃
岡家兄子瞻以詩送之曰君到高安幾日回一時抖擻舊塵埃贈君
一籠牢收取盛取東軒長老來君過廬山見圓通知慎禪師出詩示
之師嘗與余通書見之欣然明日謂君昨見黃州詩通夕不寐以一
偈繼之曰東軒長老未相逢却見黃州一信通何用揚眉資自擊須
知千里事同風吾野人不能數為書君為我誦之而已君既至未暇
及此客有自廬山至者曰慎師送客出門還入丈室燕坐而寂君乃
具道其事余感之作二詩其一以答子瞻其二以答慎也

東軒正似虛空椽何処人家籠解盛縱使盛成无着處雪堂自有老師兄

子瞻新築東坡雪堂

擔頭挑得黃州籠行過圓通笑開却到山前人已寂亦无一物可擔迴

戲贈李朝散

江霧霏霏作雪天樽前醉倒不知寒後堂桃李春猶晚試覓酥花子細看

戲答

銀鉗瀉酒正霜天玉塵生風夜更寒下客不辭投轄飲好花猶恐隔簾看

元老見訪留坐具而去戲作一絕調之

石霜舊奪裴休笏坐具只今君自留留放書房還會不受降曾不費戈矛

元老和示小詩自謂非戰之罪作一絕并坐具還之

請君却領弥天具不欲終收陷虎名莫道昏沉非戰罪何如不戰屈人兵

次韻張恕戲王鞏

二君豪俊並名家歌舞爭妍不受誇聞道肌膚如素練更堪鬢髮似飛鴉

施君既去復以事還戲贈

令尹西行去又迴西湖重把舊樽罍吏民再見雞棲乘猶道吾公挽不來

雜賦

次韻子瞻和淵明擬古九首

客居遠材薄依墻種楊柳歸期未可成陰定非久邑中有佳士忠信可
與女相逢話禪寂落日共杯酒艱難本何求緩急肯相負故人在万里不
復為薄厚米尺蠶萬衣衾時勞問無有

閉門不復出茲焉若將終蕭蕭環堵間乃復有為戎我師柱下史久以昨
守雄金刀雖云利未聞能斫風世人欲困我我已安長窮窮甚當辟穀徐
觀百年終

蕭蕭蕭髮垂素晡日過西隅道人愍我老元氣時卷舒歲惡風雨交何不
完子廬方法滅无餘方寸可久居將埽道上塵先技庭中蕪一淨百亦淨
我物皆如如

夜夢被髮翁騎驎下大荒獨行无与遊闖然歎我堂高論何崢嶸微言何
渺茫我徐聽其說未離翰墨場平生氣如虹直不葬北邙少年慕遺文奇
姿揖昂昂衰罷百无用漸以圓斲方隱約就所安老退還自傷

海康雜蠻獠禮俗又未完戎吾近聞閩願先衣冠衣冠一有耻其下胡

為顏東隣有二士讀書守身歸來奉親友曰步行必端慨然顧流俗勤
息未敢彈提提鳥為中見此孤翔鸞漸能衣裘褐袒裼知惡寒

佛法行中原儒者耻論茲功施冥冥中亦何負當時此方舊雜染渾渾无
名緇治生守家室坐使斯人疑未知酒肉非能与生死辭熾哉吳閩間佛
事不可思生子多穎悟德報豈汝欺時俾正法眼一出照耀之誰為邑中
豪勤誦我此詩

憂來感人心悒悒久未和呼兒具濁酒酒酣起長歌歌罷還獨舞黍麥力
誠多憂長酒易消脫去如風花不悟方法空子如此心何

杜門人笑我不知有天遊光明遍十方咫尺陋九州此觀一日成袞袞通
法流竿木常自隨何必返故丘老聃白髮年青牛去西周不遇關尹喜履
迹誰能求

鉏田種紫芝有根未堪采逡巡歲月度太息毛髮改晨朝玉露下滴瀝投
滄海須臾已茂枝葉行可待夜燒沈水香持戒勿中海

次韻子瞻和淵明飲酒二十首

我性本疎懶父母強教之逡巡就科選逮此年少時幽憂二十年懶性祇

如茲偶然踐黃閨俯仰空自疑乞身未敢言常愧外物持

人言性本靜不必林与山世雖有此理知誰非妄言自我作歸計于今十
餘年低回車馬中此語愧虛傳

世人豈知我兄弟得我情少年喜文章中年慕功名自從落江湖一意事
養生富貴非所求寵辱未免驚平生不解飲欲醉何由成

秋鴻一何樂空際乘風飛秋虫一何憂壁間終夜悲憂樂本何有力及兩
无疑物生逐所遇久行不知歸少年氣難回老者百事衰聊復沃以酒亦
与狂心違

昔在建成市鹽酒晝夜喧夏潦恐天漏冬雷知地偏妻孥日告我胡不反
故山一來朝廷上七年不知還有禹均建成且志昔日言

夢中見百怪一一皆謂是醉中身已忘万事隨亦毀此心不應然外物妄
使尔安心十年後此語知非綺

開卷觀古人誰非一世英骨肉委黃墟泯滅俱无情撞來无尽擾相
奪傾驚雷震朱夏鮮能入秋鳴得酒且酣飲問誰逃死生

明月出東窗万物含餘姿孤蟬吐繁陰良鳥上高枝解衣適少事和復如

无奇朝与群动作暮復何所為此時不自有日出還受羈

尺書千里至輟食手自開將卜東南居故鄉非所懷勿言湖山美求与平生乖鴻鴈秋南來及春思故樓蛟龍乘風雲既雨反其泥兄弟通四海叩門事雖諧直道竟三黜去国終恐迷何如自衛反闕里從參回

羗虜志君因戰鼓驚四隅邊候失晨夜驛騎馳中途詔書止窮征諸將守來驅敵微勢可料師競力无餘防邊未云失憂懷愧安居

修己以安人嗟古有此道平生妄謂得忽忽恨衰老年來亦見用何益世枯槁遂巡事朝謁出入自媚好報君要得人被褐有懷寶斯人何時見即

上婦耕表

春旱交半死夏雨欣及時出郊眎禾田父老有好詞秋陰結愁雲似欲直敗茲真真人天際影響良不疑精誠發中禁愍默非有欺雞號日東出乃令民信之

天厨釀冰池瑶蕩畏出境年衰雜羸病一爵百不醒亦為甚異諸曹有政非簿領類然雖无謫固謝出塵襄穎回首愧周行群英聚彪炳

淮海老使君受詔行當至當官不避事无事輒徑醉平生自相許兄先弟

亦次東南言徒往多難嫌暴貴白首六卿中嚼蠟那復味

去年旅都城三月不求宅彼哉安知我爭埽習礼迹三已竟无怨心伏執鳥百无私心如丹經患髮先白功名已不求餘事復何惜

家居簡餘事猶讀内景經浮塵掃欲尽火棗行當成清晨委群動永夜依寒更低帷闕重屋微月流中庭依松白露上歷坎幽泉鳴功從猛士得不取兒女情

南方有貧士狂怪如病風垢面髮如葆自汗屠酒中道我引河水上与崑崙通長箭挽不及不中无尤弓

清秋九日近菊酒皆可得求愧陶翁飢雖飢心不惑懷忠受正命賦命本通塞斯人今苟在可与同事国惜哉委荆榛忍飢長默默

我友二三子兼有仕未仕青松出林秀豈獨私与已斂然不求人而我自羸恥臨風忽長鳴誰信日千里江行眎漁父但自正纲纪持纲起万目魴鱗皆可止老成日就衰所餘殆難持

諸妄不可賴所賴惟一直内欲求性命油然反清渥外將應物化致一常日新商於四父老携手切北秦翽然感漢惠足復踐塵出也蓋有道豈

為諸呂勤嗟我千歲後濟全上之薪還將止核安俛首要路津囊中僅印
物布衣白綸巾功成不歸去愧此同心人

老史

口食陽翟粟身衣陽穀絲二物不相即飽暖常不時老史知我窮一歲一
奔馳方暑勤脂車苦寒伺來歸嗟我垂老年未免憂寒飢老史其忠信但
恨性重遲事我三十年閔不相離我門了无求平苦終不辭平生金石
交至此或已攜老史未易得試復養其兒

同孔常父作張夫人詩

女子勿言弱男兒何必強君看張夫人身奉十五喪頭上脫笄珥篋中斤
襦裳築墻連丘山松柏鬱蒼蒼親戚不為助涕泣感道傍昔有王氏老身
為尚書郎親死弃不葬簪裾日朔翔白骨委廬陵官游在歧陽一日有丈
夫軒類佯狂相面識心腹開口言災祥嗟汝平生事不了誰令當汝身
暖絲綿汝口寸和梁衣食未嘗廢此事乃可忘一言中肝心投身拜其牀
傍人漫不知相視空茫茫終言汝不悛物理又必償兒女病三足相隨就
淪亡鄙夫本愚悍過耳風吹牆明年及前期長子憂肝腸一塵守巴峽雙

樞還故鄉弱息雖僅存蹣跚亦非良誰言天地寬綱目固自張古事遠不
信近事世所詳企張非求福禍敗當懲王嘉祐末年李士寧言王君事於
右扶風其報甚速張夫人南都

人排堆官常甫作詩言其賢邀余
同作并言李士寧事或足以警世云

那吒

北方天王有狂子只知拜佛不拜父佛知其愚難教語寶塔令父左手奉
兒來見佛頭輒俯且与拜父略相似佛如優曇難值遇見者聞道出生死
嗟尔何為獨如此業果已定磨不去佛滅到今千万祀只在江湖塊船如

魏佛狸歌

魏佛狸飲泗水黃金甲身鐵馬箠睥睨山川俯畫地畫作西方佛名字卷
舒三軍如使指奔馳方夫鑿山崩雲中孤月妙无比青蓮湛然俛下視擊
鉦卷旆抽行營北徐府中軍吏喜度僧築室依雲煙俯窺城郭眾山底興
亡一瞬五百年細草荒榛沒孤壘

湖陰曲

老虎穴中卧獵夫不敢窺驪駟服箱駮盜驪巡城三匝漫不知帳中書
日遶壁驚記知是黃須兒馬鞭七寶留道三子士徘徊不能過遺矢如冰

去已遙明日，裨兵下赤霄。荒城至今人，不任狂兇警。走風兼床。

雜興二首

陋巷丈夫病，且貧縣鶉百結。聊庇身燻，大蟲長孫子。敗綰弊絮開陽，春故襦寬博。裹肩勝出沒，逡巡初莫畏。一朝換酒入隣家，顧視腰間猶續。鼻入縫，循腰還自足。肌膚轉近尤為福，咋皮吮血无已時。應待渠家具湯沐。

朱輪華蓋事遠遊，廐无良馬乘疲牛。青絲玉勒金絡頭，任重道遠傍人憂。奔馳往來歷山，騰坑投掉摧轆轤。已厭復起行未休，青菊黃梁為君羞。長路漫漫徑九州，場有白駒胡不收。飢食玉山飲河流，朝秣幽冀暮炎陬。奔雲掣電不少留，僕夫顧之心懷愁。王良不生誰與謀，哀哉駿骨千金酬。

唐相二絕

楊王滅後少英雄，猶自澄思却月中。已得惠妃歡喜見，方頭笑殺曲江公。朝中夜，少少如鄉晚，歲雄猜氣益橫心。怕无髮少年士，可怜未識玉奴兒。

次韻毛君燒松花六絕

茅庵紙帳孝僧眠，爐熟松花取易然。惟有未能忘酒在手，傾金盞鬪垂蓮。

餅雜松黃二月天，盤敲松子且霜寒。山家一物都无弃，狼籍乾花最後般。

蜀人以松黃為餅甚美。

松老香多氣，日嚴餘煙勃鬱透。疎簾須更過，灰在借問誰收。一番去，去。

美人寒甚懶開扉，金布松花插鬢幾。度低頭疑墮落青煙已斷，未消時。枯萼鱗斂不復堅，重一正似半開蓮。曾經堆舍博，爐見未許。那君畫閣然，黃蠟供炊自一家。錙銖貧富迥，矜誇都城爭買方。新貴却顧松花已自奢。

許靈惠廟歸過新興院書其屋壁

來時稻葉針鋒細，去日黃花黍粒麀。久病終漸多，敝政豐年猶喜慰。耕夫青山片片添紅葉，綠水星星照白鬚。東觀校讎非老事，眼昏那復競鈆朱。

次韻楊褒直講覓鏡

鬢髮年來日向衰，相寬不用強裁詩。壯心付与東流去，霜蟹何妨左手持。花發黃鸝巧言語，池開楊柳闔腰支。勸君行樂還聽不，即是南風若執時。

類編類瀆先生大全卷第五十七

類編增廣類瀆先生大全文集卷第五十八

效古

雙柳

我作新堂中庭翠翾然雙柳對峙春陽既應千條万葉風濯雨洗如美婦人
正立擲髮長至地微風徐來掩冉相縷乱而復理垂之為纓縮之為結
屈伸如意燕雀翔舞蜩蚻嘶鳴不召而至清霜夜落衆葉如剪顏色憔悴
永愧松柏歲寒不改見歎夫子聊同淵明攀條蕭詠得酒徑醉一壘粗給
三黜不去亦如展惠

和子瞻次韻陶淵明停雲詩

丁丑十月海道風雨愴雷郵傳不通子瞻兄和陶淵明停雲四章
以致相思之意輒亦次韻以報

雲跨南溟南北一雨瞻望遙盪弄斯阻夢往從之引手相撫笑言未半
捨我不行晚稻欲登白露霄濛人飲嘉平漿酒如江雷人以十日酒懶繫我
獨何為觀成于窓此心了然來无所從欣然而笑是无枯榮手足相依所
鍾則情二忘意消神凝不正可以安身可以養生跋扈飛鴻誰逐南柯軍

歷相尋夏屋吾雜和我游其外所享則多肖近拔木其外

種藥苗

余閑居潁川家貧不辦肉食每夏秋之交菘芥未成則盤中素然或
教余種粟決明以補其賈萬潁川諸家多未知此故作種藥苗二
詩以告之皆四章章八句

築室城西中有圖書窓戶之餘松竹扶疎拔棘開畦以毓嘉蔬畦夫告余
粟可儲嬰小如嬰粟細如粟與麥皆種與稌皆孰苗堪春菜實比秋穀
研作牛乳身為佛粥老人氣衰飲食無幾食肉不消食菜寡味柳槌石針
煎以蜜水便口利喉調養脾胃三年杜門莫適往還幽人衲僧相對忘言
飲之一盃失笑欣然我來潁川如遊廬山

閑居九年祿不代耕肉食不足藥蒸藿藿羹多求異蔬以佐晨烹秋種粟
春種決明決明明目功見本草食其花葉亦去熱惱有能益人矧可以飽
三嗅不食笑社陵老老人平生以書為累夜灯照帷未曉而起百骸不病
兩目告瘁決明雖良何補於是自我知非卷去圖書閉目內觀妙見自如
聞阿那律无目而視決明何為適口乎尔

舜泉

始余在京師遊官貧困思歸而不能聞濟南多甘泉流水被道蒲魚
之利與東南北東方之人多稱之會其郡從事闕求而得之既至大
旱幾歲赤地千里渠存而水亡問之其人曰城南舜祠有二泉今竭
矣越明年夏雖雨而泉不作人相与驚曰舜其不復享耶又明年夏
大雨霖麥禾荐登泉始復登民驩曰舜其尚顧我哉泉之始發緒為
二池醜為石渠自東南流於西北无不被焉灌濯播洒蒲蓮魚蟹其
利滋大因為詩使祠者歌之詩曰

歷山品二虞舜宅焉虞舜祖矣其神在天其德在人其物在泉神不可親
德用不知有例斯泉下民是祇泉流无疆有永我思源發于山施于北河
播于中逵匯為滄波有蟹与魚有菱与荷蘊毒是洩汗濁以流埃壘消亡
風火滅收聚木敷榮勞者所休誰為旱災靡物不傷天地耗竭泉亦倫亡
民咸不寧曰不享耶時雨既澍百穀既登有流沚然弥坎而升溝洫備盈
鰕鼃沸騰匪泉實來帝實顧余執其羔豚蘋藻具道帝今在堂泉復如初

和子瞻次韻陶淵明勸農詩

子瞻和陶翁明勸農詩六章哀憊目之不耕子居海濱見亦其
耕者多閩人也然其民甘於魚鮓蟹蝦故藟菓不蔬冬温不雪衣被
吉貝故執麻而不績生蚕而不織羅紈布帛仰于四方之負販工
於鄙朴故用器不作醫奔於巫鬼故方術不治子居之半年九羈旅
之所急求皆不獲故亦和此篇以告其窮庶或有勸焉

我遷海康實編于民少而躬耕老復其負乘流得坎不問所因願以所知
施及斯人我行四方稻麥黍稷果蔬蒲荷百種咸植糞溉耘耔乃後有穡
尔獨何為開口而食掇拾于川搜捕于陸俯鞠婦子仰薦昭穆閩棄其
載未逐三計无百年謀止信宿我歸无時視汝長久孰為沮弱風雨相
築至東皇取足南畝后稷為列夫豈一手斲木陶土器則不置績麻纈繭
衣則可異藥餌具刑病安得至坐而告窮相視徒愧莫為之先真不謂鄙
一夫前行百夫具履以為不信出視同軌期尔十年風變而美

穎川擇勝亭

子瞻為汝陰守以幄為亭欲往即設不常其地名之曰擇勝為作四
言一章轍愛其文故繼之云

我嗟世人誰足與謀生伏其廬死安于丘既成不化窻若執囚我行四方
所見或不江海之民生託于舟前炊釜鬻膏後鑿壘澗書設豆觴夕張衾裸
出入濤瀾歸宿汀洲與風皆行与水皆浮坐食網罟以魚去留居无四隣
行无朋儔胡貊之民駕車以遊外纏羣羣內輯貂鼬美水薦草驅馬縱牛
逐射兔鹿聚爬新檀食肉飲水雨雪相咻草尺水乾風卷雲收所至成羣
不懷一取今我柰何橫目綢繆翼為華堂湧為層樓繚以脩垣貫以通溝
勢窮物盡何異一漚弃之不忍徙去莫由矧茲士夫汎焉周流如燕於春
知不期秋脩椽高棟徒與名仇一日安居百年怨尤我兄和仲塞剛立木
化民如傷有急斯周視身如傳苟安不求山盤水嬉習習未瘳孟豆以吾好
而俾民憂頓尾其清湖曲孔幽風有翠幄雨有赤油匪舟匪車亦可相攸
民曰公來庶幾无愁

堂成

築室三年堂成可居我初不知諸子勞劬父母老矣風雨未除橐裝幾何
勿問有无伐木於山因此舊廬不約不豐盛况无餘堂開六楹南北四筵
書明廓然夜真黯然四鄰无声布被麗簾可作蚌螺一唾平如何其

跌坐燕安善惡不思此心自圓東箱靖以奉旨丞老佛之履度矣友灯
西箱千卷圖書之林先人所遺子孫是承杖屨經行直如引繩顧視而笑
此如我心諸子之宮左右吾背將食數手板一擊而會瓜畦芋區分布其外
鉏去瓦礫壤而不塊廢井重浚泉眼仍在轆轤雷鳴甘雨時霑園夫能勤
家足于菜有客叩門賀我堂成揖客而笑念我平生三世讀書粗免躬耕
明窻脩竹唯我与兄蔭映茅茨吐論崢嶸猖狂妄行以得此名老而求安
匪以為榮

樂府

襄陽古樂府二首

野鷹來

野鷹來雄雉走蒼茫荒榛下瑤穗大如斗鷹來蕭蕭二風雨寒壯士臺中
一揮肘其臺高且良臨平川山中放火秋草乾雉肥兔飽走不去野鷹飛下
風蕭然差我呼鷹臺人去臺已圯高臺不可見况復呼鷹子長歌野鷹
來當年落誰耳父生已不武子立又不強北兵果南下擾如駝羊鷹來
野雉何暇走東縛籠中安得翔可怜野雉亦有爪兩手碎雀鳥又何傷

襄陽樂

誰言襄陽苦歌者樂襄陽太守劉公子千年未可忘劉公一去歲時改
惟有州南漢水長漢水南流峴山碧種稻耕田泥沒尺里入種麥滿高原
長使越人耕大澤澤中多水原上乾越人為種楚人食火耕水耨古常然
漢水魚多去滿船長有行人知此樂來買槎頭縮頸鱸

效韋蘇州調笑詞二首

漁父漁父水上微風細雨青蓑黃弱裳衣紅酒白魚莫歸莫歸莫
長笛一聲何處

歸雁歸雁飲啄江南南岸將飛却下盤相塞北春來苦寒苦寒苦寒寒苦
藻荇欲生且住

禽獸

次韻子瞻好頭赤

公邊壯士生食肉小來騎馬不騎竹翩然赤手挑肩絲捷下巔崖試探
牽入故關榆葉赤未慣中原援風日黃金絡頭伏圍人俛聽北風懷所歷
施崇寧寺馬

子自龍川還穎川安於閑放不畜車馬借悟緣自成教來為子改一
真馬甚駿曰聞公歸自南方家无良駒此可備登山之乘予愧其
意不能却也然馬入吾廐輒苦多病意其非吾物也西鄰僧道和禪
席之盛獨聞之所奔走乃祝之曰俾尔為和馬歸依佛法病或已乎
因為詩以示和

南嶠閉門万事了病臥常多起常少未用田間下澤車何須櫪上追風驃
鄉人記我少年日頃馬為致風前鳥三年伏櫪人共怪馬不能言心可曉
坐臥千里氣蟠結日食生芻空目笑主人自是箕穎人誰復為送泚岷道
友公惠眼識神駿山下泉甘足芳草法流一洗日病消翹足長鳴且忘老

次韻沈立少卿白鹿

白鹿何年養驚猜未肯馴軒除非本性飲食強依人照影冰浮水飛毛雪
西塵獨遊應已倦忽見乍疑神野色明幽步煙蕪薦卧身異安人共愛清
意尔誰親日暖山苗熟風微澗草春何緣解韁繫奔放任天真

山胡

山胡擁蒼髯兩耳白茸茸野樹啼終日黔山深幾重嶂溪採細石噪虎上

孤峯被執應多恨筠籠僅不容

白鷗

白鷗形似鷓搖曳尾能長寂莫懷溪水低回愛稻梁田家比雞鷺野食薦
杯觴肯信朱門裏徘徊占玉塘

官舍小池有鷓鷯遺二小雛

清池定誰王鷓鷯自來馴知我无傷意冷渠解託身橋陰棲息穩島外往
來頻勿食遊魚子從教長細鱗

半畝新池藻荇香一雙鷓鷯竟悠揚來從碧閣巢安在飛過重城母自將
野鳥似非官舍物宰君昔是釣魚郎直言塊比奇意老得縣无心更激昂

巫山廟烏

巫廟真人古列仙高心獨愛玉炉煙飢烏巧會行人意來去紛紛噪客船
次韻王適新燕

好雨纖纖潤客衣新來雙燕力猶微似嫌春早无人見故待簾開掠地飛
南國花期知不遠中原寒劇未應歸養雛不悔不成旦記取朝朝為啓扉

虫魚

次韻子瞻竹飢

野食不穿困，谿飲不盜憂。嗟飢獨何罪，膏血為罔陰。陽造百物，偏此
黑不爽。肥癯與瘦黠，稟受不相髣。王孫歟深谷，小若兒在襁。招膳避彈射，
將中還復狂。一朝受羈縲，冠帶相賓饗。愚死智亦擒，臨食抵吾掌。

次韻子瞻漢陂魚

漢陂霜落魚可掩，枯茨破盤蒲折劍。巨斧敲冰已暗知，長叉刺浪那容閃。
鯨鯨蛟子誰復惜，朱鬣垂鱗漫如染。邂逅相遭已失津，偶然一棹猶思暫。
嗟君游官又羊炙，有似遠行安野店。得魚未熟口流涎，豈有哀矜自貶僭。
人生飽足百事已，美味那令一朝欠。少年勿笑貪匕筋，老病行看費鍼砭。
羊生懸骨空自飢，伯夷食采有不贍。清名驚世不益身，何異飲醯徒酷醢。

次韻王適細魚

群魚一何微，僅比毛髮大。嬉游極昔昔，鬚鬣鼠目箇箇造。造物賦群形，偶然
如一唾。吞舟雖云巨，其樂不相過。若言无性靈，還知避船拖。

類編頴濱先生大全文集卷第五十八

類編頴濱先生大全文集卷第五十九

茶

夢中謝和老惠茶

西隣禪師於我老，北苑新茶惠初到。晨已竟三嗅，多午枕初便。一杯少
七椀前，嘗病未能兩腋風。生空自笑定中直，往蓬萊山盧老未應知。此妙

和子瞻煎茶

年來病懶百不堪，未廢飲食求芳甘。煎茶舊法出西蜀，水声火候猶能諳。
相傳煎茶只煎水，茶性仍存偏有味。君不見閩中茶品天下高，傾身事茶
不疑分。又不見北方俚人茗飲无，不有鹽酪椒薑誇滿口。我今倦遊思故
鄉，不孝南方与北方。銅鑪得火蚯蚓叫，匙脚旋轉秋螢光。何時茅簷歸去
炙背讀文字，遣兒折取枯竹女煎湯。

茶花二首

黃蘗春牙大麥，參鹿傾山倒谷採。无餘只疑殘枿陽，和春尚有幽花霰雪初。
耿耿清香崖菊淡，依依秀色嶺梅如。終年結子作堪種，一畝荒園試為鉏。
細嚼花鬚味亦長，新才一粟葉間藏。稍心，豈浸肌瘦旋得春，言發地行。

開落空山誰比數，承來歲最先嘗。枝在在踏遍牛芒未改香。

宋城宰韓秉文惠日鑄茶二首

君家日鑄山前住，冬後茶牙交粒。麤磨轉春雷，飛白雪。甌傾錫水散疑酥，
谿山去眼塵生面。簿領埋頭汗巾，膚一吸更能分。暮府定應知我俗人，元
龍驚僅比閩團。醞塩酪，確嫌北俗。龜採塊，吳僧身似腊。點瀆越女手，以酥
舌根遺味輕浮齒。腋下清風稍籠膚，七碗未容留。客試瓶中數問有餘，无

次韻李公擇以惠泉茶烹早子厚新茶二首

无錫銅餅手自持，新芽願滑近相思。故人贈茶无千里，好事安排巧一時。
蟹眼煎成声未老，兔毛傾看色尤宜。槍旗携到齊西境，更試城南金線奇。

金線泉在齊州城南

新詩態度靄春雲，肯把篇章安与人。性似好茶常自養，交如泉水久弥親。
睡濃正想羅衣發，食飽尤便粥面勻。底处翰林長外補，明年誰送雪溪春。

竹木

筴簣黃谷

誰言使君貧，月入盈竹盈谷。方万竿何曾一竿曲。

詠竹

湖濱有草木，脩竹可三尋。塵居多野田，移種近墻陰。及尔迷未醒，方予
熱正侵无嫌，不逮本地薄。肯成林。

南隣竹甚茂，門巷不容肩。縣印君當往，囊金我患貧。翠旌稍乱起，犀角
笋初勻。不惜圖書賣，端來作主人。

養竹

病竹養經年，生笋大如母。初畝放林末，米苗任供口。欲求五寸圍，更聽三
年後蕭疎。尺椽楠无復，堪作帚。五簋適營，便可開戶牖。秀色到衣冠，
清風盪塵垢。物生恨失養，養至无不厚。芥斤日推剝，陰陽自難救。閑居翫
草木，農圃即師友。養人如養竹，全日皆孝秀。

林筴復生

春寒侵竹竹，憔悴父老皆。云未嘗記，偶然雷雨一尺深。知為南園眾君子，
從地湧出長如人。一一便有凌雲氣，吾家老圃倦栽接。但以歲寒相嫵媚，
一朝紛紛看黃落。嵇阮相過无醉地，陽往復知有數已。病還瘳，非即死。
呼童徑語鄰舍翁，種竹未改當年意。姚華

一千葉重臺定何事

移竹

前年買南園本為一畝竹稍去千百竿欲廣西南屋本心初不尔百口居
未足爾後斤斧餘慙瑰琅玕綠園凍有餘地補種何年復稟歲寒姿餘
木非比族

墻陰竹蒙密板築念相妨欲補園東缺欣乘雨後涼三年生筍遍一徑引
風長但恐翁弥老筍枝懶復將

次韻范景仁侍郎移竹

雙檜生南戶叢筠種北牆交陰奉君子為伴老中堂露洗秋地綠風含
夏簾涼栽花知已候新上一畝霜

次韻范景仁檻竹

猗猗元自直落落不須扶密節風催展清陰月共鉤叢長傲霜雪根瘦耻
泥塗更種愁无地應須剪碧蘆

大雨後詠南軒竹二絕

苦寒壞我千竿綠好雨還催衆筍長痛飲雖无愁阮客瓢樽一試午陰涼
葉開翡翠才青日簞疎琅玕不怕風稍放西邊深二丈端如幽谷茂林中

竹西有二
地筍猶未到

南齋竹二絕

幽居一室少塵緣妻子相看意自閑行到南窻脩竹下坳然如見舊溪山
舊山脩竹半塵埃誰種南林待我來新筍出墻秋雨足閉門長與護蒼苔
里中佳客舊孫陳我自踈慵不見人目倦細書長捲卷心遊法界四无鄰
洗竹

林筍

寒甚南軒竹半黃晚抽早筍雜榛荒不嫌毒手千竿尺稍放清風八月涼
短篔只堪除糞壤新明會看伏牛羊扶持造化須人力早聽人言布交糠
竹林遭凍曾枯死春筍連年再發生天与歲寒終倔強澤分淇奧轉敷榮
狂鞭已逐草侵徑疎影長隨月到檻秋阮欲來從我飲開門一笑亦逢迎
予初到筠即於酒務庭中種竹四聚杉二本及今三年二物皆
茂秋八月洗竹培杉偶賦短篇呈同官

種竹成叢杉出簷三年慰我病厭厭除亂葉風初好封植孤根筍自添
高節不知塵土辱堅姿試待雪霜書屬念

乃記當年此滯淹

次韻子瞻繫御史獄賦獄中吟前韻

秋風一何厲吹尽山中綠可伶凌雲條也為樵夫東凜然造物意豈復松
一木置身有得地不問直与曲青松未必貴枯榆還自足紛然落葉下蕭
條愧華屋揄

盛衰日相尋循環何曾歇
存茨千林一枯槁平地三尺雪草木何足道
意未應絕槐

故園今何有猶有百竿竹春雷起新萌不放牛羊觸雖无朱欄擁不見紅
塵辱清風時一過交戛響鳴玉淵明避紛乱歸嗅東籬菊嗟我獨何為弃
此北窻綠竹

曲如山下藤脆若溪上草春風一張王秋霜死則已胡為南澗中辛勤種
栢子上枝撓雲霓下根絞石齒伐之為梁棟歲月良晚矣白首閱時人君
看柱下史栢

將軍栢在天峯觀觀
在官廳

蕭蕭避暑宮石殿秋日冷凜然中庭伯氣鬱千夫整風戾芳壑雲巴通

諸領材大難為三計与蓬蒿屏

遺老齋南一栢雙幹昔歲坐堂上僅可見也今出屋已尺餘
翠栢擢雙幹冉冉出屋危栢長雖云喜我老亦可知苦寒不改色烈風終
自持門閉斷來客相對不相欺

聽前栢

穉栢如嬰兒冉冉二尺長移根出澗石植幹對華堂重露沾膏沐清風時
抑揚我老不耐寒冷汝堪風霜朝夕望不長尺寸常度量知非老人伴可
入諸孫行想見十年後簷前蔚蒼蒼吾人來顧汝笑誦我此詩章

老栢

栢根可合抱栢身長百尺我年類汝老我心同汝直我貧初无居愛汝買
此宅索居懷舊友開軒得三益風中有餘勁雪後不改色我貧不栽花遶
屋多種竹全家謬聞道奈自无他物晨興輒相對知我有慙德

彼岸寺文殊院古栢

曾看大栢孔明祠行尽天涯未見之此栢便當辨子行它山只可作孫枝
棟梁知是誰家用舟楫唯雁海上宜日意青田老鶴未嘗知

伐雙穀十二月作

芳蘭非不嘉當明自當鋤矧此惡木陰妨長者車僕夫礪尋斧告我日
方除久持不刃意柯條益扶疎植根雖云固伐去曾須更我塗雖不寬出
入自有餘開門聽還往并納賢与愚荒穢一朝尽來者皆自虛徐

種松

城郭人家歲寒木檜柏森森映華屋青松介僻不入城野性特嫌塵土辱
中庭冉冉盈尺苗條幹雖短風霜足培根不用糞壤厚插竹頽防雞犬觸
他年期汝三丈高獨立仙翁毛髮綠老人自分不及見子孫見汝知遺直

任氏閱世堂前大檜

君家大檜長百尺根如車輪身弦直壯夫連臂不能抱孤鶴高飛直上三
狂風動地舞枝幹大雪翻空洗顏色人言此檜三百年未知昔是何人植
君家大夫老不遇一生使氣未嘗屈沒身不說歸故里為愛自知懷舊邑
此翁此檜兩相似相為閱世何終極汝南山淺无良材櫟柱棟椽聊障日
便令殺身起大厦亦恐眾材无匹敵且留枝葉撓雲霓猶得世人長太息
牡丹

西軒種山丹附

淮陽千葉花到此三百里城中衆名園栽接比桃李五層盧邁新成西有數
畦地乘秋種山丹得雨生可喜山丹非佳花老圃有深意宿根已得土絕
品皆可寄明年春陽升盈尺爛如綺居然盜天功信矣斯人智根苗相因
依非真亦非偽客來但一笑勿問所從致

補種牡丹

野草凡花著地生洛陽千葉種難成姚黃姓似天人紫糞壤理根氣不平
換土移根花性安猶嫌入伏午陰煩清泉翠幄非難辨絕色濃香別眼看

同邊賦千葉牡丹

未換中庭三尺土謾種數叢千葉花園上言近家糞土多虫故不造物
宜花須換黃土三尺花乃茂
不違遺老意一枝頗似洛人家名園不放尋方客陋巷希聞載酒車未忍
畫餅修佛供清樽酌尺試山茶

城中牡丹推高皇廟園邊迺聯騎往觀掃報未開戲作

漢廟名園甲穎昌洛川珍品重姚黃帝氣住看初疑晚春尽方開自不忙
爭占一時人意速養成千葉化工長老心門坐花落花開已兩忘

謝任亮教授送千葉牡丹

花從罽葉成千葉家住汝南疑洛南
亂浮苞任狼藉併偷春色恣醺酣
香濃得露之彌馥頭重迎風似不堪
居士誰知已離畏金盤剪送病中庵

謝人惠千葉牡丹

東風催趁百花新不出門庭一老人
天女要知摩詰病銀瓶滿送洛陽春
可恨最後開千葉細數餘芳尚一旬
更待遊人歸去尺試將童冠浴湖濱

移陳州牡丹偶得千葉二本喜作

小圃初開清溪岸名花近取宛丘城
爭言千葉根難認忽發雙葩眼自明
謫隨神仙終不俗飛來鸞鳳有餘清
細鈕瓦礫除荆棘未可令齊眾草生

次遲韻千葉牡丹二首

溟上名園似洛濱花頭種種鬪尖新
共傳青帝開金屋欲遺姚黃比玉真
秦嶺猶應篆詩句杜鵑直恐降天神
老人髮少花頭重起舞歌斜酒力勻
老人无力年年懶世事如花種種新
百巧從來知是妄一機何處定非真
園夫漫接曾无種物化相乘豈有神
畢竟春風不揀擇隨開隨落自勻勻

類編穎濱先生大全卷第五十九

類編增廣穎濱先生大全文集卷第六十

芍藥

馬上見賣芍藥戲贈張厚之二絕

春風欲尺无尋咫尺向南園芍藥中
過尺此花真尺也此生應与此花同
春來便有南園約過尺春風約尚餘
綠葉成陰花結子便須携客到君家

答見和二絕

花柳蕭條行已老聖賢希闊未嘗中
眼看芍藥紛々尺賴有櫻桃顆々同
塵編何用朝々看新釀還須處處賒
好事若能頻載酒不妨時復到揚家

縣中諸花多交代王君所栽牡丹已過芍藥方盛偶寄小詩

偶來山邑便成家慚愧潘生滿縣花
想見清樽檻邊飲尚留佳句壁間誇
根株未老年年好艷色方穠日日加
聞道北遊无意味春深河上足風沙

同陳述古告人觀芍藥

藹々堂西十畝園晚涼迎步綠陰繁
共蘄春去已多日爭看花開最後番
未許狂風催爛熳故將青幄強安存
請公作意勤歡賞趁取殘紅照酒樽

和子瞻玉盤子一首

東坡詩云家園中一果
初為此名

千葉團、一尺餘揚州絕品舊應天賞傳。一國迂鍾處移憶胡僧置太孟
叢底留連傾數叢錦中捧擁照浮圖強將絳蠟封紅萼惟悴无言損玉膚
故相林亭父老知出群草木尚何疑无多產葉殘花藥幾許功名舊鼎彝
曲豈艷不知人世別佳名新換使君詩明年會看花尤好剥尺浮苞養一枝
花卉

賦園中所有十首 時在京師

萱草朝始開呀然黃鵠俯仰吸日出光口中爛如綺織、吐須鬣冉、隨
風哆朝陽未上軒粲粲幽閑女美女生山谷不解歌与舞君看野草花可
以解憂悴 萱草

寒地竹不生雖生常若病斲根種幽砌開葉何已猛婢娟冰雪安散舌
日影繁華見孤淡不敵千頃令人憶江上木樨聳綠崖勁无風籜自飄策
策鳴荒逕 竹

蘆芽并攔上蕭騷大如竹移來種堂下何尔短局促煮青甲未解枯葉已
可束蘆根愛溪水餘潤長鮮綠強移性不遂灌水拙童僕晡日下西山汲
者汗盈掬 蘆

堂後病石榴及時亦開花身病花不齊火候漸已差方心竟未已新萼經
枯槎誰言石榴病乃冬口年華隣家花最盛豈容遮殘紅已零落如
娜子如瓜 石榴

蒲桃不禁冬屈盤似无氣春來乘盛陽覆架青綉被龍髯乱无数馬乳垂
至地初如早梅酸晚作醲酪味誰能釀為酒為尔架前醉滿斗不与人
州幾時致 蒲桃

室幽來客稀塵土積不掃隣翁笑我拙教我種聚草經霜斫為簣不讓秋
竹好始生如一毛張王勿侵道鉏耨禁艾斷愛惜待枯槁有用皆勿輕吾
師灌園老 篲草

吾兄客關中果羸施吾字并雖未得還我豈如婦女吻、感微物涕洟若
零雨但愛果羸莖屈曲上墻堵朝見綠墻頭暮已過墻去物生隨年華還
日何足數 果羸

牽牛非佳花走蔓入荒榛開花荒榛上不見細蔓身誰剪薄素紗浸之青
藍盆水淺浸不及下餘一寸銀嗟尔脆弱草豈能凌霜晨物性有稟受安
問秋与春 牽牛

南園地性惡雙栢不得長蓬麻春好今已滿一丈栢生嗟幾年失意自
悽愴有子豎枝低已老非少壯尤栢已寬尤地亦恐妄兩旣无所尤高
枝幾時放雙栢

葵花開已攔結子豎枝重長條困風雨倒卧枕丘壟憶初始放花岌岌
節聳得時能幾時狼藉成荒冗浮根不任雪採剥收遺種未及焚枯莖積
壘墻角擁葵花

千葉白蓮花

蓮花生淤泥淨色比天女臨池見千葉謫隨問何故空明世无匹銀鉞貯
佛所清泉養芳潔為我三日住焉然落寶床雁返枕天去

盆池白蓮

白蓮生淤泥清濁不相干道人居室家心迹兩蕭然我任西湖濱蒲蓮若
雲屯幽居常閉戶時聽遊人言色香世所共眼鼻我已存隣父閔我獨遺
我數寸根渥水不入園庭有二尺盆兒童汲甘井日晏泥水溫及秋尚百
日花葉隨風翻幸自得秀色引息收清芬此心湛不起六塵空過門誰家
白蓮花不受風霜殘

次韻谷人幽蘭

幽蘭耿々意羞春紉佩何人香滿身一寸芳心須自保長松百尺有為薪

蘭花二絕

木末徑挑蹊次第開穠香百和龍人來春風欲擅秋風巧催出幽蘭繼落梅
玆重幽蘭開一枝清香耿々聽猶疑定應欲較香高下故取群芳竟發時

種蘭

蘭生幽谷无人識客種東軒遺我香知有清芬能解穢更怜細葉巧凌霜
根便密石秋芳早叢倚脩筠午蔭涼欲遣靡蕪莖堂下眼前長見楚詞章

五月園夫猷紅菊二絕

黃花九月傲清霜百草滿園无此香紅紫无端盜名字試尋本草細商量
南陽白菊有奇功潭上居人多老翁葉似皤蒿翠初棘未宜放入酒盃中

白菊

白菊長先黃菊開年年九日泛新醅猶存古曆標花候不奈時人信手栽
得勢從教盈九畹俛眉聊復引三盃愈風明日須真物能使神農為尔回

戲題菊花

春初種菊助盤蔬秋晚開花插酒盡微物不多分地力終年乃尔任之須
天隨七箸幾時較彭澤樽罍未遂无更擬食根花落後一依本草太傷渠

移花 八月十六日

種花南堂南堂毀花亦瘁理畦西軒西花好未忍弃勤拔陳草秋雨流
入地移根傳生土指日春風至花來本陳洛為畏不為異力求千葉枝更
与一溉水人功誠已尽天巧行可致我老百不為愛此養花智

庭中種花

空庭一无有初種六株花青桐綠楊柳相映成田家春雨散膏油朝暾發
萌芽造物知我心初來尺枯槎開花已可貴結子誠益佳百事尺如此一
生復何嗟我生本窮陋中年旅朝衙失脚隨南海生還夢荒遐築室雖不
多於我則已奢松筠伴衰老已矣无復加

新寓堂後月禾再生与遠同賦

堂背有芳叢開花不貴月何人縱尋斧定意肯留折偶葉秋雨滋冒土見
微茁倚一抽條穎頗欲傲寒冽勢窮雖云病根大未容拔我行天涯遠幸
此城南爰小室步容卧幽閣粗可躡中无一尋空外有四隣匪窺墻數抽

茶蘼洞

猗猗翠蔓長謁一繁香足綺席隋殘英芳樽漬餘韻

次韻孔文仲舍人酴醾

蒼蛇凍不死輕素暖仍歸落蕊時吹面繁香自撲幃光凝直照夜枝軟或
牽衣似壓風羅苦應思霧雨霏開樽迎最盛掃地見初稀賴有清陰王
金波肯發揮

次韻和人詠酴醾

蜀中酴醾生如積開落春風山寂寂已怜正發香暍暖尤愛未開光的皪
半垂野水弱如墜直上長松勇无敵風中娜一應教丈月下煌一真一色
故園聞道開愈繁老人自恨歸无日百花已過春欲莫燕坐繩床空歎息
朝來滿把得幽香按頭乱插銅餅濕一番花藥轉頭空誰能往問天台拾

和王晉卿都尉酴醾二絕

春到都城曾未知秋花時見万年枝多積賴有王公子解剪金瓶無所思
禁中時見梨花耳
後圃酴醾手自栽清於芍藥鹹於海棠
曹采詩各今无幾三頃馨香懶酒杯

次韻秦觀梅花

病夫毛骨日凋槁愁見米塩推醉倒忽傳騷客賦寒梅感物傷春同懊惱
江邊不識朔風勁墻頭亦有南枝早未開素質夜先明半落清香春更好
鄰家小婦李開媚靚粧惟有長眉掃孤方已與飛散競結子仍先百花老
苦遭橫笛亂飛英不見遊人醉芳草可怜物性空自知羞作繁華助芒昊

復次韻次晝潛師

冷君古木依岩槁西江飲尺須弥倒野花幽草亦何為嶮韻高篇空自惱
万點浮溪輒長歎一枝過嶺仍誇早拾香不忍遊塵汚嚼藥更怜真味好
道人遇物心有得瓦竹相敲緣自掃誰知真妄了不妨令我至今思瓊老
妙明精養昔未識但向閑窓看詩草浮雲時起鳥四飛畢竟安能亂清昊

次韻王適梅花

江梅似欲競新年照水窺林態愈妍霜重清香渾欲滴月明素質自生烟
未成細實酸猶薄半落空枝意可怜誰寫江西風物樣徐家舊有數枝傳

谷琳長老寄幽蘭

谷深不見蘭生死追逐微風偶得之解脫清香本无染更因一嗅識真知

實階屋看柳葉葱蘢獨茲苗悠悠待其活及春見開敷三嗅何忍折

種花

築室力已尽種花功尚踈山丹得春雨艷色照庭除未品何曾數群芳自
不如今秋接千葉試取洛人餘

築室少閑地種花能幾畦松筠舊滿眼桃李漸成蹊无計通湖水長思種
耦泥幽懷終不愜拄杖出城西

山橙花口号

故鄉寒食餘醪發百和香濃村巷深漂泊江南春欲尽山橙髣髴慰人心

方蝶花

誰唱殘春蝶戀花一團粉翅壓枝斜美人欲向釵頭插又恐驚飛鬢似鴉

筠州州宅雙蓮

綠蓋紅房共一池一雙游女巧追隨鏡中比並新粧後風際携扶欲舞時
露蕊暗開香自倍霜蓬漸老折猶疑躬勤畫手傳真態道院生綃數幅垂

石盆種菖蒲甚茂忽開八九華或言此華壽祥也遠因生日作

頌亦為賦此

石盆攢石養萼蒲沮洳沙泉薤葉鋪吐
心中本有長生藥根底暗添无阻鬚更尔屈蟠增瘦硬它年老病要相扶

開元寺山茶

古殿山花叢百圍故園曾見色依依
凌寒強比松筠秀吐艷空驚歲月非
冰雪紛紛直性在根株老大衆園希
山中草木誰携種潦倒塵埃不復歸

新種芭蕉

芭蕉移種未多時濯濯芳莖已數圍
畢竟空心何所有歌傾大葉不勝肥
蕭騷暮雨鳴山樂狼藉秋霜脫弊衣
堂上幽人觀幻久逢人指示此身非

菓實

食雞頭

風開芙蓉鐵為須斧斫沙磨旋付厨
細嚼兼收池上水徐嚙還成滄海珠
佳客滿堂須一斗閑居賴我近平湖
多幸不到會靈沼氣味宛然初不殊

又

芙蓉初生縐如縠南風吹開輪脫殼
紫苞青刺攢蠟毛水回放花波底熟
森然赤手初莫近誰料明珠藏滿腹
剖開膏液尚模糊大盃磨磨風雨凍

清泉活公曾未久滿屋坐客分并掬
紛然咀嚼唯恐遲勢若群雛方脫粟
東都每憶會靈沼南國陂塘種尤足
東游塵土未應嫌此物秋來日嘗食

奉同子瞻荔枝歎

蜀中荔枝上嘉州餘波及眉半有不
招糠宿火却霜霰結子僅与黃金侔
近聞閩尹傳種法移種成都出巴峽
名園競擷絳沙苞蜜漬瓊膚甘且滑
北游京洛隨紅塵若籠白曬梅最珍
思歸不復為尊菜欲及炎風朝露勻
平居著鞭苦不早東坡南竄嶺南道
海邊百物非平生獨數山前荔枝好
荔枝色味巧留人不管年來白髮新
得歸便擬尋鄉路棗栗園林不須顧
青枝丹寶須十株丁寧附書老農圃

乾荔枝

含露迎風惜不嘗故將赤日損容光
紅消白瘦香猶在想見當年十八娘

食菱

野沼漲清泉烏菱不直錢蟹肥整正滿
石破髓初堅節物秋風早樽疊夜
月偏令人思淮上小舫藕如椽

踏藕

春胡柳色黃伯藕涼猶僵翻如龍蛇動手持似牙角清泉浴泥濘粲齒碎

水霜莫使新梢及炎風翠蓋涼

相從万里試南食對案長思苜蓿槃山栗滿籃兼白黑村醪入口半甜酸
久聞半尾何曾識竊比雞頭意未安故國霜蓬如盃大夜來彈劍似馮驩

食櫻

一旱經春草木焦朱櫻結子獨盈條盤中宛轉明珠滑舌上逡巡絳雪消
仰聳佳人露猶濕偷銜啼鳥語尤嬌南方荔子爭先後羞見炎風六月燒

類編頴濱先生大全卷第六十

內閣
內閣

文化茂展

問所

